

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-105-24/23

Datum: 24.08.2023. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda donosi

O D L U K U
o poništenju postupka javne nabavke vakcina i seruma
za Lot 2 Antirabični serum

I

Prihvata se preporuka Komisije za javne nabavke broj 07-105-20/23 od 23.08.2023. godine i poništava se postupak javne nabavke vakcina i seruma za **Lot 2 Antirabični serum**, koji je proveden putem otvorenog postupka, iz razloga što je za predmetnu nabavku nije dostavljena nijedna prihvatljiva ponuda.

II

Obavještenje o nabavci iz tačke I ove Odluke objavljeno je na portalu javnih nabavki pod brojem 1247-1-1-161-3-14/23 dana 01.08.2023. godine i u „Službenom glasniku BiH“ br. 54/23 od 04.08.2023. godine.

III

Odluka stupa na snagu danom donošenja.

O b r a z l o ž e n j e

Zavod za javno zdravstvo Tuzlanskog kantona pokrenuo je otvoreni postupak javne nabavke vakcina i seruma broj 07-105-2/23 od 01.08.2023. godine, za koji je objavljeno obavještenje na portalu javnih nabavki pod brojem 1247-1-1-161-3-14/23 dana 01.08.2023. godine i u „Službenom glasniku BiH“ br. 54/23 od 04.08.2023. godine, a na osnovu Odluke Ministarstva zdravstva Tuzlanskog kantona o utvrđivanju postupka i načina realizacije dijela programa imunizacije i imonoprofilakse u Tuzlanskom kantonu za sezonu 2023/2024. godina broj 13/1-33-10355-23 od 04.05.2023. godine, Odluke Upravnog odbora Zavoda zdravstvenog osiguranja Tuzlanskog kantona o izdvajanju sredstava za Program vakcina broj 01-04-1-20-13-13/-AA/SA od 20.07.2023. godine i Odluke o pokretanju postupka javne nabavke vakcina i seruma Upravnog odbora Zavoda za javno zdravstvo Tuzlanskog kantona broj 02-819-1/23 od 31.07.2023. godine.

Za predmetni postupak predviđeno je provođenje e-aukcije. Tenderska dokumentacija je objavljena na portalu javnih nabavki i istu je preuzelo 9 potencijalnih ponuđača.

Nabavka vakcina i seruma je podijeljena u četiri (4) lota i to:

Lot 1: Antirabična vakcina

Lot 2: Antirabični serum

Lot 3: Serum antiviperinum

Lot 4: Vakcina protiv sezonske gripe

U roku za prijem ponuda u otvorenom postupku javne nabavke vakcina i seruma za **Lot 2 Antirabični serum** zaprimljena je jedna ponuda i to ponuda ponuđača „TUZLA-FARM“ d.o.o Tuzla. Komisija je konstatovala da je zaprimljena ponuda blagovremena, ispravno zapečaćena i pristupila njenom otvaranju. Po završetku javnog otvaranja zaprimljene ponude Komisija je sačinila zapisnik, koji je, u skladu sa članom 63. stav (6) Zakona o javnim nabavkama BiH (Službeni glasnik BiH broj: 39/14, 59/22), isti dan dostavljen predstavniku „TUZLA-FARM“ d.o.o Tuzla koji je prisustvovao javnom otvaranju ponuda.

Prilikom pregleda i ocjene pristigle ponude Komisija je konstatovala da ponuda ponuđača TUZLA-FARM d.o.o. Tuzla u ukupnom iznosu od 29.328,00 KM bez PDV-a odnosno 34.313,76 KM

sa PDV-om ispunjava kvalifikacione uslove sa aspekta dostavljene dokumentacije međutim ista je neprihvatljiva iz razloga što je iznos procijenjene vrijednosti nabavke za predmetni lot 26.400,00 KM bez PDV-a, a ponuda imenovanog ponuđača je zaprimljena u ukupnom iznosu od 29.328,00 KM bez PDV-a, odnosno u iznosu koji prelazi planirana odnosno osigurana novčana sredstva Ugovornog organa za nabavku. Shodno navedenom, a u skladu sa članom 2. tačka 1) Zakona o javnim nabavkama, ponuda imenovanog ponuđača je neprihvatljiva te je kao takva odbačena.

Shodno navedenom Komisija je predložila direktoru da se postupak javne nabavke vakcina i seruma za Lot 2 Antirabični serum poništi u skladu sa članom 69. stav (2) tačka d) Zakona o javnim nabavkama („Službeni glasnik BiH“ br. 39/14, 59/22), obzirom da zaprimljena ponuda nije prihvatljiva, te je donešena odluka kao u dispozitivu.

DIREKTOR

Sarihodžić dr Majda, spec. socijalne medicine

MA menadžmenta



Dostaviti:

1. Ponuđaču
2. a/a